

անունը առաջ է գրված, քան Սմբատինը և մի տեղ նույնիսկ Գուրգենը «տիեզերական թագաւոր» է համարվել հենց Սանահնի վանքի կառուցման կապակցութեամբ:

Այսպես.

«Ի Սանահինս, որ շինեալ էր զթագաւորն մեր տիեզերական Գուրգեն և հոսրովանուշ թագուհինն» («Քոթուկ», էջ 57):

Սխալ է նաև այն բանը, որ Սմբատ Տիեզերակալի եղբայր Գուրգենը երբեք Կյուրիկի չի կոչվել:

Կյուրիկեն ատանձին անուն չէ, այլ Գուրգեն անվան բարբառային ձևն է, որ արձանագրութեանների մեջ հանդես է գալիս Գուրգեն, Գաւրիկեն, Կուրիկէ, Կիւրիկէ և ևն. որով Մեր մատենագիրները, որոնք իրենց ժամանակի ամենագրագետ մարդիկն են եղել, իրենց երկերում աշխատել են բարբառով չգրել, բայց շարք է մտանալ, որ Կյուրիկյան թագավորութեանն այդ անունով է կոչվում միայն այն պատճառով, որ նրա հիմնադրի անունը Կյուրիկէ է եղել, իսկ այդ Կյուրիկին հենց ինքը Սմբատ Տիեզերակալի եղբայր Գուրգենն է: Վրաց գրականութեան մեջ նա հայտնի է Կյուրիկի անունով:

Այժմ անցնենք այն հարցին, թե ինչու այդ բարձրաքանդակների տարազը Սանահնում և Հաղբատում այլ է:

Հարցն այն է, որ Սանահնի Ամենափրկիչ եկեղեցին կառուցված է 966 թվականին, երբ Գուրգենն ու Սմբատ Տիեզերակալը թագավորներ չէին, այդ ժամանակ Անիի թագավորը նրանց հայր Աշոտ Ողորմածն էր, իսկ Լոռիի թագավորութեանն էլ դեռևս չէր հիմնադրված, ուստի արքայազն Սմբատն ու Գուրգենը բարձրաքանդակների վրա ներկայացված են իրենց տեղական տարազով: Հաղբատը, որի կառուցումն սկսվել է 976 թվականին, այսինքն Սանահնից 10 տարի հետո, Սմբատն արդեն բարձրաքանդակի վրա ներկայացված է արաբական տարազով, իրեն արաբների կողմից ճանաչված թագավոր, իսկ Գուրգենը՝ դարձյալ տեղական զգեստով է պատկերված:

Ինչպես հայտնի է, Սմբատը գահ է բարձրացել 977 թվականին, պարզ է, որ 976 թվականին հիմնարկված Հաղբատի ս. Նշան եկեղեցին մի տարվա ընթացքում չէին կարող կառուցել, մինչև Ֆրոնտոնի բարձրագիր մասի կառուցելը առնվազն մեկերկու տարի կտևեր, ուստի և այդ պատկեր-

ների մեջ Սմբատն արդեն թագավորական զգեստով է հանդես գալիս:

Անիի թագավորները արաբական զգեստ էին կրում, իրեն արաբական խալիֆայութեան կողմից ճանաչված թագավորներ, դա երևում է նույն Սմբատի եղբայր և նրա հաջորդ Գագիկ առաջինի արձանից, որ գտնվեց Անիում հենց իր կառուցած բուրգի ս. Գրիգոր եկեղեցու պեղումների միջոցին, 1906 թվականին: Գագիկ թագավորն այդ արձանով ներկայացված է զխին լայն փաթաթած սպիտակ շալմայով, երկարավուն արաբական կարմիր խալաթով և մեջքի փաթաթանով:

Արաբական տարազն այստեղ արաբների կողմից ճանաչված լինելու նշան է: Հավանաբար Բագրատունյաց տան մեջ միայն արաբան ուներ իրավունք և միևնույն ժամանակ պարտավորություն՝ արաբական արքայական զգեստ կրելու:

Սանահնի բարձրաքանդակների Դավիթ Անհողինի որդի Կյուրիկե թագավորին պատկանելու միակ պատմական հիմնավորումը Կիրակոս Գանձակեցու տեղեկությունն է, որ բացարձակապես թյուրիմացութեան արդյունք է: Նա թեև մի տեղում Սանահնի վանքի հիմնարկությունը վերագրում է Դավիթ Անհողինի որդուն, բայց իր պատմության մեջ դրանից առաջ հիշատակում է ոչ միայն Սանահնի վանքը, այլև նրա առաջնորդներին:

Մենք ունենք մի շարք ծանրակշիռ ապացույցներ այն մասին, որ Սանահնի այդ բարձրաքանդակները 10-րդ դարի գործ են և ոչ թե 11-ի և պատկանում են Սմբատ Տիեզերակալին և նրա եղբայր Գուրգենին, որ Կյուրիկյան թագավորութեան հիմնադիրն եղավ:

Թվենք այդ ապացույցները:

1. Բոլոր այն քանդակները, որտեղ կան մարդկային պատկերներ եկեղեցու կաղապարը ձևերին, եկեղեցին կառուցել տվող անձնավորություններն են: Այդպես է Աղթամարի տաճարը, որի պատին նրա կառուցող Գագիկ Ա. Արծրունի թագավորը տաճարի կաղապարը ձեռքին, ամբողջ հասակով և պատկերված, Հառիճավանքում, որտեղ ներկայացված են վանքը կառուցող Իվանե և Զաքարե եղբայրները և այլն:

Սանահնում էլ ներկայացված են Ամենափրկիչ եկեղեցին կառուցողները՝ Գուրգենը (Կյուրիկեն) և Սմբատ թագավորը: Մեր